


第四卷
【清】



中国
心
[图]



中国山水田园诗集成



清

丁成泉 / 辑注

湖北教育出版社

(鄂)新登字 02 号

图书在版编目(CIP)数据

中国山水田园诗集成(一、二、三、四)卷/丁成泉辑注.
—武汉:湖北教育出版社,2003

ISBN 7—5351—3600—1

I. 中… II. 丁… III. 古典诗歌—作品集—中国
IV. I222.7

中国版本图书馆 CIP 数据核字(2003)第 078197 号

出版 发行:湖北教育出版社
网址: <http://www.hbedup.com>

武汉市青年路 277 号
邮编:430015 电话:027-83619605
邮购电话:027-83669149

经 销:新 华 书 店

印 刷:湖北新华印务有限公司 (430034·武汉市汉口解放大道 145 号)

开 本:850mm×1168mm 1/32 20 插页 175.75 印张

版 次:2003 年 10 月第 1 版 2003 年 10 月第 1 次印刷

字 数:3540 千字 印数:1-1 000

ISBN 7—5351—3600—1/G·2917 (一、二、三、四)卷 定价:450.00 元

如印刷、装订影响阅读,承印厂为你调换

圣祖仁皇帝，世祖章皇帝第三子，在位六十一年，建元康熙，葬景陵。有御制文四集。其下列作品，录自徐世昌《晚晴簃诗汇》。按：以下自穆宗毅皇帝至敦诚各家作品，均录自该书。

登景忠山^①

景忠远上日方阑，岩壑层层生早寒。
岭腹冻云凝玉仗，山中瑞气接仙鸾。
鸣钟涧里经声近，击鼓楼前树影残。
缭绕旌旗萦石道，六龙行处万民观^②。

①景忠山：在北京迁安县西北一百二十里，矗立云表。明代正德年间总兵马永建祠于上，祀诸葛亮、岳飞、文天祥，因名景忠。 ②六龙：天子车驾六马，称六龙。

晓发虚谷^①

帷宫雨后纳新凉^②，虚谷风来百草香。
万里晴云任舒卷，凭高但见碧天长。

①虚谷：所在不详。 ②帷宫：毡帐构成之临时行宫。

穆宗毅皇帝，建元同治，在位十三年。

雨后望西山^①

雨余天宇清，心目豁开朗。
西山扫浮岚，佳气朝来爽。
螺鬟如乍沐，远望出尘坱^②。
万重浓翠滴，草树喜新长。
烟峦遥涌空，楼檻倚高敞。
泉流石上悬，钟声云外响。
坐卧一窗间，秀色娱俯仰。
天然列画屏，丹青意难仿。
不厌卷帘看^③，何时携筇往。
日斜犹徘徊，吟诗寄欣赏。

①西山：此指北京宛平县西三十里之西山。 ②螺鬟二句：谓雨后之西山，如女子新梳洗之发髻，乌黑亮爽，望去高出尘埃之上。 ③不厌：不满足。

文宗显皇帝，建元光绪，在位三十四年。

秋 意

一夕潇潇雨，非秋却似秋。
凉风犹未动，暑气已全收。
桐叶碧将堕，荷花红尚稠。

西郊金德王^①，武备及时修。

①金德王：古代以金木水火土五行相生相克推断人事。金主兵象，金德旺即预示有战争。王，同“旺”，读如旺。

镇国公高塞，号敬一。太宗第六子，有《恭寿堂集》。

宿香岩寺绝顶^①

雨霁空山夕，寻幽入杳冥。
云封千涧白，露濯万峰青。
飞鸟依檐宿，流泉伏枕听。
朦胧空翠里，孤月自亭亭。

①香岩寺：所在不详。

大安寺^①

万仞盘危磴，千峰此独尊。
山光澄宿雾，海色上朝暾^②。
野殿松杉古，残碑岁月存。
悠然云外想，何必问桃源^③。

①大安寺：所在不详。 ②朝嗽：日始出。 ③桃源：世外桃源。

慎靖郡王允禧，号紫琼道人，圣祖第二十一子。有《花间堂诗钞》、《紫琼岩诗钞》等。

塞外秋望

秋清旷何极，望迥步初停。
一雁来空阔，千峰入杳冥。
炊时烟独白，牧处草犹青。
古塞残阳下，低徊记所经。

游上方山^①

鸦飞红树报秋晴，人在荆关画里行。
半日闲为尘外客，十年心契此山名。
蜂窠僧舍围岩住，螺髻云梯叠石成。
绝顶茅庵游不到，天风吹下转经声^②。

①上方山：在河北房山县西南八十里，山极陡峻，仰而登之，如入上界，故名。

②转经：僧侣颂经。

果恭郡王弘瞻，号经畲道人，世宗第六子。

有《鸣盛集》。

题倪云林画

乱山重叠树槎枒^①，曲径偏宜处士家。
想见虚亭吟眺处，夕阳无限绕寒鸦。

①槎枒：同杈枒，树枝歧出。

山 庄

路接西山辟小庄，柴门过雨静年芳。
不容人到花垂地，偶卷帘高燕在梁。
野草远分流水碧，夕阳斜照乱峰黄。
萝阴是处堪延屨^①，肯数蓝田华子冈^②。

①延屨：着木屨而游赏。 ②蓝田华子冈：唐诗人王维在陕西蓝田县之辋川别业，风景优胜，有二十处景点，华子冈为其中之一。

秋 晚

斜日大荒西，晴沙散马蹄。
旗翻千帐静，木落万山低。
远塞看鸿雁，连营绝鼓鼙。

关河渺长望，衰草尚萋萋。

原封勤郡王蕴端，初名岳端，字正子，号红兰主人，有《玉池诗集》。

雨 霁

梅雨正凄凄，空庭入望迷。
当门不见路，积水已成溪。
细草涵烟绿，垂杨覆槛低。
晚晴无限好，白日挂檐西。

春郊晚眺

长堤一望夕阳斜，芳树枝枝待暮鸦。
西岭生云将作雨，春风无力不飞花。
娇莺细啭留清昼，孤鹭徐飞带晚霞。
野客独扶藜杖过，柳阴深处觅渔家。

怡僖亲王弘晓，号冰玉道人，有《明善堂集》。

宿 密 云^①

驻马神皋近^②，寒鸦噪戍楼。
 夕阳含岭色^③，宿雨乱溪流。
 野寺疏钟动，荒郊夜柝浮。
 言归幽兴发，萸菊正清秋^④。

- ①密云：河北密云县。 ②神皋：指京都近郊之地。 ③岭色：指密云山色。
 ④萸菊：山茱萸和菊花。

冬日园居即事次韵（二首）

其 一

木落山头一望空，满天寒意起西风。
 萧疏最是池边柳，数点寒鸦夕照中。

其 二

行到溪头尘事无，天边时听雁声孤。
 西山云冷将飞雪，又是天成一画图。

郑恭亲王济哈纳，号清修道人，有《清修室稿》。

秋 晚

云山何处望神州，独坐高窗俯碧流。
野寺钟声斜照里，荒村烟火小溪头。
晚风冉冉侵藤榻，边树萧萧隔戍楼。
客梦今宵应未稳，一轮新月到帘钩。

睿恪亲王如松，号素心道人，有《怡情书室诗钞》。

燕郊道中雨后作^①

入秋气已清，马上事东行。
蔓草垂墙湿，归云截树平。
雨停沙溜浅，风定野蝉鸣。
欵乃声声慢^②，渔舟个个轻。

①燕郊：即京都燕京郊外。 ②欵乃：桨声。

潞河泛舟^①

秋空雁影碧天高，一艇西风水半篙。
深柳蝉声鸣断续，蓼花红处识东皋。

①潞河：即白河，为北运河之上游。

博尔都，字问亭，号东皋渔父，辅国愬厚公培拜之孙，袭封辅国将军。有《问亭诗集》、《白燕栖草》。

潞河晓发

画鹢鸣晨鼓^①，荒堤起曙铎。
推窗看月卧，挂席破烟行。
村远连沙白，林昏接水平。
翛然心意静^②，真觉万缘轻。

①画鹢：船。

②翛然：无所牵挂貌。

务 闲

务闲乘小艇，随意下清湍。
霖雨夕阳寺，秋风红蓼滩。
沙明蛩语急，云薄雁声寒。
尽日无人识，烟波伴钓竿。

桃花寺

山寺凭栏对夕曛，寒烟暮霭互氤氲。
数间茅屋围红树，一曲清溪出白云。

东皋泛舟

乘兴兰桡泛碧溪，渔歌惊散水禽啼。
白蘋渡口烟初暝，红蓼滩前又月低。

塞尔赫，字慄庵，一字晓亭，号北阡，封奉国将军，官户部侍郎。有《晓亭诗钞》。

秋日晚步次胡宿二茂才韵

林色秋烟晚更苍，短藜扶我力犹强。
天从归鸟没边碧，叶向游人到处黄。
蓦地商飈吹面急^①，谁家羌笛倚楼长^②。
临皋步屐月初上，惊起双凫出野塘。

①商飈：犹言商风，即秋风。《礼·月令》：“孟秋之月，其音商”。商，五音中之金音，其音凄厉，于时为秋。 ②羌笛：即羌笛。簫，古“笛”字。

晓行羊房道中^①

瘦马驮残梦，惊看去路长。
远烟低似水，小雪淡于霜。
鸦阵连平陆，鸡声隔短墙。
林端明霁色，不觉过羊房^①。

①羊房：北京昌平县南羊坊镇。

初夏西山道中绝句（七首选二）

其 二

柳丝蘸雨金千缕，山际浮岚碧一痕。
日晚牧儿驱犊过，炊烟浮出老人村。

其 七

沿村新柳碧毵毵，一抹遥红夕照酣。
水栅山田排比处，画图分得小江南。

书诚，字实之，一字季和，又字子玉，袭封奉国将军，有《静虚堂集》。

次韵嵩山田居杂咏^①*（五首选三）

①嵩山：诸王之一，与樗仙、臞仙同为乾嘉之际宗人能诗者。

其 二

邻曲区分自有宜，编榆插柳作门篱。
怪来老稚纷纷出，道是前村祈社时^①。

①祈社：即赛社，敬祀土地、五谷神。

其 三

溪云淡淡合还披，不定阴晴禁火时^①。
约得邻翁耘宿麦^②，杏花小雨又成丝。

①禁火时：古代冬至节后一百零五日，即寒食节，禁火三日。 ②宿麦：越冬之麦苗。

其 五

桑间鸠语榘初黄^①，满榻南风午梦长。
终老不行城市路，一隅云水自成乡。

①榘：桑榘。

敦敏，字子明，号懋斋，任宗学总管。有《懋斋诗钞》。

晓起望雨

片云作段飞，宿露沉花圃。
微风雨未来，一鸟过前浦。

舟中即目

竹篱茅舍掩清溪，几处人家傍柳堤。
鸥鸟数声秋又晚，蓼花红过小桥西。

敦诚，字敬亭，有《四松堂文集》。

月上村外独步

秋月上孤村，清光照村渚。
渚水碧而深，昨夜添新雨。
微风亦修修^①，零露复淅淅^②。
黄云压稻场，紫花香豆圃。
篱下独徘徊，竟夕无人语。